

**JACOBI TOLLII SERMO
GRATULATORIUS AD
POTENTISSIMUM ET
SACRATISSIMUM
PRINCIPEM...**

Jakob Tollius






1042

3





97
JACOBI TOLLII
SERMO GRATVLATORIVS

AD

POTENTISSIMVM ET SACRATISSIMVM

PRINCIPEM

ARCHIDVCEM

JOSEPHVM,

Quum

HEREDITARIVS

HVNGARIÆ REX

CORONARETVR,

ANNO M DC LXXXVII. A. D. IX. DECEMBR.



L I P S I Æ

Juxta FLORENTINVM exemplar
recudi curavere.

HEREDES FRID. LANKISCH.

M DC LXXXVII



Logos of the University of Leipzig

Excellentissimò atque Generosissimo Viro
D. NICOLAO GVILIELMO BECKERS
BARONI DE WALLHORN,
S.C.M. A CONSILIIS, ET PROTOMEDICO,
JACOBVS TOLLIVS S.

Perlustranda & excutienda pulcherrima Bibliotheca Medicea affixus, ita toto animo beneficio Serenissimi Principis COSMI III. Magni Ducis Helvætiæ, atque ita avidè urebar, fruebar, BECKERE, Vir Excellētissime ac Generosissime, ut ipse mei oblivisceret, oblivisceret & officiorum. Hinc nec suavisissimis literis tuis, nec aliorum quidquam repostum: hinc, quod excusari nullo pacto potuisset, neglecta ferme, qua singulari Augustissimi Cæsaris erga me clementia debeatur, gratissimæ devotissimæque AVSTRICIÆ DOMINI mentis meæ testanda occasio: qua nulla laetior, nulla exoptabilior offerre sese umquam poterat. Ex hac igitur animi intentione, velut e somno derepente excitatus exhorruis, perturbatusque mirifice sum, quòd tam sero exporrectus essem, elapsuram videntem e manibus occasionem, nisi eam fugientem festinabundus anteverterem. Properavi igitur, quantum potui, & hunc ad Augustissimi Imperatoris LEOPOLDI Filium JOSEPHVM, designatum Hereditarium Hungariæ Regem, Sermonem gratulatorium raptim composui. Agnosces, Vir Excellētissime ac Generosissime, & primo quidem statim intuitu, non diu me cogitasse quæ scriberem: & incantior ejus ac horridior stylus unius esse non integri tridui operam facile arguet. Inde & brevior est: ut quum elegantia nullam habeat commendationem, voluptate hanc penset brevitatis. Nil enim hoc in genere scriptionum prolixitate ingratius est, nil putidius. Ergo igitur, si & hic tenuis stilosulus, e studiorum meorum hortulo properatim decerptus, dignus videbitur, qui in solenni illa florum sparsione non spernatur; ut eum, Vir Excellētissime atque Generosissime, & Augustissimo Patri, & Augusto Filio, una cum hisce literis, meis verbis offerre digneris, etiam atque etiam Te rogo. Placebit forte an mentis meæ devotio, ubi inculeior illius horror displicuerit. Vale, Virorum Optime, meque, uti facis, ama. Dabam Florentia Anno M DC LXXXVII,
Festo omnium Sanctorum.

INVICTISSIMO AC POTENTISSIMO

CÆSARI

LEOPOLDO,

P.F.ROM.IMP.SEMPER AVGVSTO

TRIVMPHATORI GENTIVM

BARBARARVM.



Erueat, Augustissi-
me atque Invictissime
Imperator, eximia Sa-
cræ Cæsareæ Maje-
statis Vestræ Clemen-
tia, quæ mihi Viennæ nuper agenti
non Augustæ modo Bibliothecæ u-
sum benignissime concessit, sed & e
Gaza Cæsarea gemmas aliquot, ar-

gumento sculpturae notabiles, cera
exprimere; ex illa vero, praeter alia,
multa, ultra mille ducentos versus in-
editos D. Gregorii Nazianzeni ad e-
ditionem describere, indulgentissime
permisit, ut Augustissimae Majestati
Vestrae tota mente obstrictissimus
essem, atque devinctissimus. Verum
admirabilis illa, qua me ad osculum
Sacrae Dexteræ admissum Augustis-
sima Majestas Vestra prosequi digna-
ta est, benivolentiae significatio, de-
votum antea Augustae Domui reddi-
dit devotissimum. Verba me hic, In-
victissime Turcarum Triumphator,
grati animi mei sensum explicare vo-
lentem deficiunt. Vt tamen hic pa-

teret, instans effecit Augusti JOSE-
PHI, hereditarii Regis Hungariæ de-
signati, Coronationis solemnitas.
Turpe namque mihi putavi, his o-
mnium festis ac faustis vocibus ipsum
æthera percellentibus, solum tacere:
præsertim quum nullius exterorum
pectus penitus hujusce publicæ feli-
citatæ gaudio pertentaretur. Digna-
re igitur, Indulgentissime Imperator,
hunc Sermonem meum eadem nunc
itidem clementia accipere, qua me in
has oras profecturum Augustissima
Majestas Vestra dimittere dignata est.
Ita Deus Optimus Maximus Augu-
stissimam Majestatem Vestram, at-
que universam Domum Augustam

optato vitæ longissimæ decursu at-
que omni proporro felicitatis gene-
re mactet beetque. Hoc toto animo
voveo,

Invictissime atque Potentissime
Imperator,

Augustissimæ Majestatis Vestræ

Florentia, clā loc LXXXVII.
Festo omnium Sanctorum.

humillimus ac devotissimus cliens

JACOBVS TOLLIVS.

POTENTISSIMO AC SACRATISSIMO
 PRINCIPI ARCHIDVCI
JOSEPHO,
 REGI HVNGARIÆ
 HEREDITARIO DESIGNATO.

Misertum credo generis huma-
 ni Deum, quum Augustissi-
 mam Majestatem Vēstram
 terris dedit, Potentissime
 atque Sacratissime Prin-
 ceptis, ut haberet Augusta
 Domus columnen, cui ejus magnitudo tuto
 inniteretur: ut haberet Orbis Christianus
 Principem, qui una cum PATRE Augu-
 stissimo fortunam subditarum gentium su-
 stentaret, confirmaretque. Imprimis autem,
 omnium precibus victum, Hungariæ cetera-
 rum afflictissimæ indulgisse, uti munere ac
 dono suo prima frueretur. Hanc faventis
 cæli benignitatem quis non admiretur? quis

non ei gratuletur inopinam illam felicitatem? Ergo & ego in hac communi omnium hominum lætitia, Potentissime atque Sacratissime Princeps, quum ad me quoque, non minimus illius sensus pervenisset, audaciuscule festis aliorum vocibus meam immiscui; ea spe, fore, ut hominis exteri animi devotissimi testatio non omnino ingrata ad aures Augustissimæ Majestatis Vestræ accideret; tenuitasque sermonis soloci filo ducti solemnī lætissimī hujusce diei gaudio celebritatique donaretur. Faxit Deus Optimus Maximus, ut hæc voluptas Augustæ Domui, Hungariæque, & imprimis Augustissimæ Majestati Vestræ perpetua sit, nec ullo umquam dolore mærore ve contamine-
tur. Ita de penitissimo pectore apprecor,

Potentissime ac Sacratissime Princeps,
Augustissimæ Majestatis Vestræ

Florentia, cl^o Erc LXXXVII
Festo omnium Sanctorum.

humillimus ac venerabundus cliens

JACOBVS TOLLIVS.

V
SERMO GRATVLATORIVS

dictus

POTENTISSIMO PRINCIPI

ARCHIDVCI

JOSEPHO,

Quum

REX HEREDITARIVS

HVNGARIÆ

coronaretur..

* * *



Elicitas orbis, REX POTENTISSIME AC SACRATISSIME, cum fortuna Domus Austriacæ & Augustissimi Cæsaris LEOPOLDI conspirasse videtur, communibusque votis hunc a favente Numine rebus humanis diem impetrasse, qui continuatis una serie per

quadriennium Paternis victoriis, & in stupendam omnibus populis altitudinem exsurgentibus, exemplare Divinæ Celsitatis fastigium imponeret. Quidquid

A

enim victoriarum de Barbaro, quidquid de Christiani
nominis hoste triumphorum dehinc in Hungaria re-
portabitur, felicibus HVNGARIÆ REGIS HERE-
DITARII auspiciis, & obsequenti JOSEPHI Fortunæ
feretur acceptum. Et gaudebit Augustissimus Pater in-
cincta Regio diademate Filii tempora ætate etiam nunc
tenera victricibus lauris redimiri, ac destinato divini-
tus Imperii Romani post se regimini cædibus ac strage
hostium initiari. Eodem animo, quo gravi coronis
Augustissimo capiti suo hanc Hungariæ detraxit, ut
Tuo imponeret, lecta quoque eidem atque ornamen-
ta inerrare lætabitur triumphalia; quorum ipsi quæ-
dam quodammodo est satietas. Nec lætabitur tan-
tum Optimus Pater ac Imperator, sed ut est pietate
Maximus, inter assiduas, quas Assertori Augustæ suæ
Majestatis Deo meritissimas agit grates, nova vota
nūcupat, ut, quemadmodum invictus ipse bello at-
que armis recuperatam integram nunc universæ Hun-
garix coronam, novo HEREDITARIÆ SVCCES-
SIONI Stirulo auctam exornatamque, Sacrato Tuo ca-
piti imponit, ita & Tu, REX AVSPICATISSIME,
capta hostis barbari sede Constantinopoli, divulsam
hactenus ab universo corpore nobilissimam quondam
Imperii partem, eidem rursus conjunctam, eodemque
perpetuo successionis jure firmatam, posteris relinquas.
Hic igitur ille dies est, quo nullus lætior, nullus exopta-
bilio, nullus Imperio Romano, nullus Genti Austria-

cæ, nullus Regno Hungariæ magis salutaris illuxit. Hic
 ille dies est, qui concussa Imperii fundamenta stabilis;
 qui inclinantem haud ita dudum Domus Augustæ ma-
 jestatem ac magnitudinem redintegrat, & in majus pri-
 stino decus restituit; qui pereuntem, imo jam ferme
 desperatam Regni Hungarici salutem ad vigorem vi-
 tamque revocat, in hostium perniciem occidionem-
 que resectum robur viresque exserturam. Hic ille di-
 es est, qui protervis verbis insultantem, qui stolidis vi-
 ribus intumescantem, qui impiis minis ipsum cælum
 laceffentem tyrannum tantum non pedibus Tuis sub-
 jicit, ut ab imbecilla ætate conculcetur, cui nec huma-
 na nec divina vel jura sui reverentiam, vel potentia sui
 metum incutere posse videbantur. Hujus diei fulgore
 velut fulmine percussi perduelles attoniti stupent, hu-
 mique prostrati incerti vitæ sunt, incerti salutis, ab u-
 nica dehinc mitissimi LEOPOLDI, Tuæque, REX
 OPTIME, clementiæ spe pendentis. Hujus diei inex-
 spectata solemnitatis callida & subdola inimicorum, ma-
 lis artibus ad potentiam adspirantium, consilia disjicit,
 opprimit, evertit. Admiratur orbis, rapiuntur extra
 se omnes populi, gentes, nationes, & eunte per singu-
 los homines Divinæ providentiæ sensu, quam mente
 capere nequeunt, inenarrabilem hanc rerum humana-
 rum directionem conversionemque prout submissa
 veneratione adorant. Habuerunt hujus seculi/proxi-
 ma tempora miracula complura: & intra quadraginta

annorum curriculum vidit Anglia horribili parricidio
amissum Regem, & ejectam in exilium Regiam sobo-
lem, ac denuo restitutam. Vidit Dania obsessum in
capite regni Fridericum Regem, civiumque fortitudi-
ne, & auxiliis meorum popularium vindicatum. Vi-
dere mei illi alienæ Majestatis fortunæque protectores
Batavi irrumpentem in intima reipublicæ suæ penetra-
lia victorem Gallum, & exitialem ambitionis ac dis-
sensionis domesticæ perniciem, velut pestiferam nubem
tempestatemve, divina rursus ope remoram. Vix o-
culis suis fidere, vix animo sibi ac mente imaginari bel-
lax Suecia potuit, una modo non æstate, quidquid lon-
gissimo bello, quidquid plurimo sanguine in Germa-
nia sibi & Scania partum erat, amissum rursus & ere-
ptum, ac mox iterum redditum aut recuperatum. Sed
hæc miracula, REX FORTVNATISSIME, quæ recta
sui æstimatione omnem ingenii altitudinem immen-
sum quantum superant; hæc miracula ad obsessæ libe-
ratæque VIENNÆ pericula & lætitiâ, ad repostam
Turcis cladium frequentia desperationis vicem, ad ex-
pugnatarum urbium multitudinem, ad victoriarum
sibi supervenientium numerum & magnitudinem, ad
Hungariæ insperatissimam in unum ac pristinum cor-
pus redactæ gloriam, ad Augustissimi Imperatoris
LEOPOLDI propugnatam cælitus auctamque Maje-
statem, & ad hanc denique auspiciatissimam Tuam,
JOSEPHE, coronationem comparata, licet ingentis-

firma ea fuerint, plurimis tamen partibus vincuntur.
 Illis namque singulis Gentibus aut Regibus, his Orbi
 terrarum ac universo Christiano nomini consultum est.
 Nota sunt, ideoque nec enarranda, scelerala illa & abo-
 minanda consilia, quæ evocatus excitusque sedibus
 suis Barbarus, rupto præter fas induciarum fœdere, non
 in regna vel provincias, sed in ipsum potentiæ Austria-
 cæ ancile, id est, in pignus Romani Imperii immissus
 est. Male cefferant horrendi & tam fausto die ne no-
 minandi quidem privatorum scelerum irriti furores,
 Ivit ulterius immanis ambitio, & suum jam illud,
 quod expectarat, esse tempus atque opportunum lo-
 cum rata, ipsam inferorum sollicitavit diritatem, ut a
 superis repulsam rejectamque rabiem suam expleret.
 Quæ facies non infelicitis Austriæ dicam, non Germa-
 niæ, non Europæ, sed universi fuisset Orbis, capta rap-
 taque VIENNA? & quam parum absuit, quin cape-
 retur? Quis vultus, quæ forma, quæ species Christia-
 næ religionis victore fuisset barbaro, qui deleturum se
 omne de terris Christianum nomen terribilibus ac
 profanis minis increpabat? Et erat ineffreni Turca mi-
 nimum, quod metuebatur, mali. Prodisset alia, & per
 omnes Orbis partes grassatura pestis, quæ divino se con-
 tineri coercerique consilio infrendet furibunda, &
 quem non esse Deum credit, sentit. Longe illi sua dex-
 tra Deus: longe illi per Europam Asiamque orsa &
 sparsa tela fraudum: longe illi crebra perjuria, & irrita

Germanicæ fidei simplicitas. Rem sibi jam factam putabat, & paratam, quam perageret, humano sanguine redundaturam tragœdiam. Et ecce, prodit ex inopinato velut e machina in scenam Deus, & quas illa partes non dederat, suo sibi ipse jure sumit. Vertitur fabulæ facies, & tristibus læta succedunt: intentatusque & jam præsens luctus insperatis gaudiis mutatur. Et unde ille derepente averruncus ac sospirator Deus? Tuæ; Tur illum, Sanctissime Imperator LEOPOLDE, evocare preces: Tua illa efficacissima & vere aurea carmina, e Davidicis, non Machiavellicis, petita canticis, elicere non e Constantinopoli Turcam, sed ut Christianissimum Principem decuit, e cælo Deum, ultorem violatæ fidei, defensorem commissi Tibi a se Imperii, depulsorem fabricatarum in sacrosanctum caput Tuum insidiarum, & mox, dejecto Turca, læsæ & præter omne fas attrectatæ Germaniæ futurum vindicem. Hic ille Tuus Deus, (& quis posterorum habebit hic annalibus fidem, quum vix ipsi oculis credamus nostris?) Tuus Te ille Deus, Cæsar Pientissime, exitio ab inimico destinatum, ab hoste ex inopinato oppressum, a subditis proditum, in ipsa, quod ajunt, acie periculi servavit, eripuit, vindicavit. Ille, quod nec ipse vel votis conceperas vel spe præsumferas, ambugtas incendiis belli aquilas, & lacerata hostili ferro signa, in ipsa Budensi defixit arce, & quod læti alicujus instar somnii videtur, Tauruno intentat. Ille, ut ipsis etiam ho-

stibus plena esset atque confessa cæli pro Cæsare pugnantis fides, Tuis victus precibus, suppliciis victus SS. Pont. Max. INNOCENTII XI, victus Venetorum; quo latius vinceret, foederatis Venetis, non secus ac Majestati Tuæ, unum ac perpetuum concessit victoriarum cursum: Polonis autem in auxilii opportune latum præmium beata illa otia fecit, ut triumphos Tuos atque Venetorum intueantur, & gaudeant. Habuerunt alii, Augustissime LEOPOLDE, habebuntque Imperatorum, Regum, Principum filii accepta a Parentibus vita fatoque functis imperia, principatus, regna, exercitibus, classibus, divitiis firmata atque communita: sed habet a Te etiam nunc vivo atque superstite (& faxit Deus, ut quam diutissime) JOSEPHVS Filius, quod cunctis exercitibus, clasibus, divitiis longissime antestat, Divinum patrocinium, & hujus pignora Tua, seu potius, quæ Tuæ tribuuntur pietati, Divina miracula. Nam Tua quidem vita, Sanctissime IMPERATOR, ad severam illam veri Numinis cultus legem efficta atque efformata, unus quasi quidam contextus est miraculorum, sicut hoc bellum triumphorum. Non capit hic tenuis & raptim deproperatus sermo illorum magnitudinem: erit illa mihi in liberius orium, curamque exquisitiorem, seposita materia: sed habet & illa JOSEPHVS Tuus instrumenta potentiae, sicut hæc argumenta monumentaque pietatis. Felicissime Puer, (ita enim novennis ætas Tua, ut jam compellere,

poscit) quæ Te propitia humano generi sidera videre
nascentem? aut quis erit felicitatis Tuæ modus in tanta
illius affluentia nato atque educato? Neque enim Pa-
terna suffecisse videtur: accesit & Materna: accedit &
Avi Materni, non minus quam Paterna admirabilis.
ELEONORA Augusta, Domus AVSTRIACÆ nu-
merosa prole fundatrix, nisi omnibus pretiosiore the-
sauris virtutum cumulo dotata fuisset, fortunam suam
pro dote attulisse videri possit, cellissimum in terris for-
tita conjugium, felix Marito LEOPOLDO, felix Patre
PHILIPPO GVILIELMO, felix Principibus Fratri-
bus ac Regia Sorore, felix Liberorum pulcherrima so-
bole, sed Te præsertim JOSEPHE majore natu Filio
felix, quem Regio nunc insigniri diademate non sine
testibus ingentis & penitissima pectoris pertentantis
gaudii lacrymis potest intueri. Avus ELECTOR
omni undique beatitatis genere circumfluens, senecta
ætate, extincta agnatæ familiæ progenie, summi post
Cæsarem in Imperio Romano fastigii ac dignitatis he-
res, hinc duobus Generis, altero Imperatore Inviētissi-
mo, altero Rege Potentissimo, inde Filio natu maximo
JANO GVILIELMO in Ducatu Patrio vivo sibi suc-
cessore, reliquis aut sacris infulis, aut victricibus armis
effulgentibus, corpore adhæc non minus atque animo
vivido vegetoque, hunc & ipse solemnitatis hujus ma-
gnificentissimæ exoptatissimum diem inter luculentis-
sima prosperæ fortunæ suæ argumenta connumerat.

Et dubitabit adhuc HVNGARIA de sua; tanto undique novi Regis sui felicitatis splendore circumdata atque circumfusa? dubitabit illa adhuc, nec sibi suisque toto pectore, toto animo, tota mente exhilarata gratulabitur? Imo vero non dubitat, REX POTENTISSIME, & totum lætissimis acclamationibus æra percellit. Festæ voces sunt, quascunque audis: hilari vultus, quoscunque intueris: erecti arcus, strata floribus, fronde, veste viæ, accensis ignibus & luminibus collucentes vici, decurrens in armis Juventus militaris, assidua exploforum tormentorum tonitrua, publici gaudii indicia sunt, quacunque ingrederis: affluentis undique gratulantium subditorum multitudinis concursu ferventes plateæ, gementes ædes, templorum deficientia spatia, communis lætitiæ signa sunt, quacunque transis: fausta Populi vota, felicia Procerum verba, piæ Sacerdotum preces, exultantis animi obtestationes sunt ad altaria, ad quæ coronaris. Vnus omnium felicitatis publicæ sensus est, una omnium vox, una acclamatio: Hunc esse diem Hungariæ tranquillitatis, concordiæ, pacis natalem: hunc esse diem perniciosissimarum discordiarum expulsores, pestiferarum atque efferatissimarum conjurationum ac rebellionum extirpatorem, hostium omnium exterminatorem: hunc esse diem omnis infelicitatis, cladum, vastationum, cædum, malorum denique omnium optatam dudum, ac nunc exhibitam ac repressatam divinitus

B

finem: hunc esse diem, quō velut de integro condita
HUNGARIA exemplo cunctis esse gentibus possit,
beatissima regna esse, quorum tutelæ atque imperio cer-
tus sit atque jam designatus successor. Hujus dici cele-
britas, REX CLEMENTISSIME, mihi una cum aliis
ad Majestatis Tuæ venerationem, suscipiendaque pro
salute Tua vota properanti veniam spero impetrabit,
Augustas aures Tuas ab illis gratulantis populi Tui vo-
ciferationibus ad audiendam meam hominis exteri
privatique sententiam paulisper avocanti. Proderit
illa forsan nonnihil populo Tuo: certe ab ea mente,
atque a devotissimo Majestati Tuæ & Augustissimis
Parentibus animo proficiscetur. Plurima ego priscae
antiquitatis monumenta pervolvi: seculorum omni-
um historias cognovi: temporum nostrorum casus
partim ipse vidi, partim ab aliis auditu lectuve: accepi.
Nec fugiunt me, quæ de rerumpublicarum formis ac
vario regimine, de Principum electione successioneve,
præstantissimi eruditissimi que Philosophi disseruerunt
atque disputaverunt. Verum omnia accurate exami-
nanti expendentique, duo mihi a plerisque eorum aut
non animadversa, aut dissimulata, aut non pro merito
atque argumenti pondere videntur fuisse considerata.
Etenim primum ita ferme ab omnibus hoc argumen-
tum tractatum est, ac si in Platonis viveremus republi-
ca, nec in hac vita vitia virtutibus præpollerent atque
dominarentur. Talis quippe ab illis quæsitæ propo-

fitaque respublica est, qualis a Stoicis sapiens, a Rhetoribus orator. Ideis perstricti Platonici non videre, quærendum non esse quod inveniri nequeat. Deinde nec illud viderunt, varias esse ac diversas variarum gentium naturas, ingenia, indoles, mores, situs, commoda & instituta: ideoque non perite satis, certe ab omni vitæ usu atque ratione alienissime, easdem omnibus leges, unamque regiminis formam, quasi perfectissimam, præscripserunt. Illiterata, rustica, & simplex agricolarum natio soli cælique prius ingenium explorare solet, ac pro cuiusque agri indole ac viribus hunc pecori pascendo, illum sylvæ alendæ, alium frugibus ferendis destinat. Jam vero nec hic sine delectu quocunque semine confertur: illa in unumquemque semina sparguntur, quibuscum & natura soli, & anni tempora, & aeris ac cæli habitus amice conspirant.

Hic segetes, illic veniunt felicius uvæ:

Arborei fœtus alibi, atque injussa virescunt

Gramina.

Par animorum, par populorum, par regnorum & rerum publicarum ratio est. *Serviat*, inquebat ille, *suetus regibus Oriens*: & Cappadocia datam sibi quondam a Populo Romano libertatem, (cujus nominis amore multæ gentes tantum non insaniunt) libertatem, inquam, sibi concessam Cappadocia repudiavit, regiumque imperium prætulit. Hinc prudentissimi Regum vel bello victas, vel matrimoniis acquisitas, vel

hereditare relictas sibi gentes suis vivere moribus, suis
uti legibus permiserunt. *Violenta nemo imperia con-*
tinuit diu: & vis naturæ rerum infertur, quum varii
populi sub unum freni moderamen rediguntur. Sic
Patria mea superiore seculo fida & obtemperantissima
Carolo, Philippi frena excussit. Sic olim Germania,
Arminio duce, Romanas leges & indictos juri dicundo
conventus atroci trium legionum cæde rejecit. Ergo
quæ singulis populis potissimum conveniat, quæque
maxime conducatur imperii forma dispicere, suprema
respublicas ordinantibus lex esse debet. Non enim
trabea Imperatoria, gemmis & auro gravis, aptum
quibuslibet humeris amiculum est: minorem impe-
dit, imbecilliores premit. Dubitaverunt in initio,
quum de formanda republica sua cogitarent Batavi
mei, an Venetorum sapientissimam, & longo seculo-
rum tractu atque diuturnitate probatam imperii for-
mam sequerentur. Sed prudenter a nonnullis usu re-
rum judicioque præstantibus viris discussa hæc dubi-
tatio est, non Italum Baravis ingenium esse asserenti-
bus, non idem cælum, non eundem situm; & quæ alia
id genus discrimina aliud reipublicæ genus flagitabant.
Post primi Caroli triste fatum mobilis Anglia reipu-
blicæ nomen & formam, spreto regio imperio, affecta-
bat. Pro præconcepta libertate abjectius & turpius
Cromvellido servivit, quam ante Regibus: atque ita
libertatis hujus imaginariæ affecta satietate, revocato

ab exilio altero Carolò, regio se rursus regimini submit-
 sit. Fatendum est, nec quisquam puto adversabitur,
 nil libertate melius, nil optabilius. Sed & illud faten-
 dum atque concedendum est, libertatem etiam sub ju-
 sto rege dari. Addamus & illud, quod non minus ve-
 rum, & usu tritum est, perire libertatem libertate:
 quum scilicet amissa pulcherrima specie degenerat, ver-
 titque in licentiam. Sed & gentes sunt, quæ nec totam
 libertatem ferre possint, nec totam servitutem: sunt,
 quæ servituri natæ videantur, ac damnatæ. Inter im-
 perii formas, si in universum considerentur, nec diversa
 respiciantur singularum gentium ingenia, proximum
 Divino est Regium, & reliquorum omnium perfectis-
 simum: unde & a Deo dati Reges dicuntur. Pater,
 Pastor, Caput, (quæ ab imperii similitudine Regibus
 dantur cognomina) ille unicus optimus in familia re-
 genda, hic in grege, tertium in corpore dari plus unico
 non potest. Sed hominum vicia, fortunæ casus, re-
 rum ac temporum vicissitudines, aliud sæpe imperii ge-
 nus suadent, sæpe & imperant. Videndum igitur, ubi
 de republica deliberatur, quid illi cum maxime, cui
 consultitur, populo ex usu fiet. Hæc consilii publici
 norma esse debet, hæc finis. Expertus ego sum, REX
 POTENTISSIME, quum his nuperis calamitatibus
 Gens nostra involuta esset, & conspiratis factionum
 partibus, hinc libertatis multo sanguine partæ, & ut ac-
 cepta ita relinquendæ; inde boni publici, debitæque

Arausienſi Principi in avitos honores dignitatesque ſucceſſionis ſpecioſa nomina jaſtarentur, adeo exiguum eorum fuiſſe numerum, quos patriæ libertatis acrior, quam ſuorum commodorum aut affectuum, agitarer cura, ut confuſus & indignabundus ſæpe exclamarim: Ergo libertas (ut Bruto quondam viſa virtus) inane nomen eſt. Ambitio, avaritia, partium ſtudia, inanis gloriæ cupido, ſub perſona publici commodi, libertatis, legum, privilegiorum, immunitatum, conſuetudinum, quæque id genus plura ſunt, pulchre latent. Hac detracta, monſtroſa illorum vitiorum diritas detegitur, & apparet. Ergo ſapientiſſimum hoc fuit, imo vere ſacrum Auguſtiſſimi Patris Tui conſilium, quum Te, JOSEPH E, Hereditarium Regem Hungariæ imponendum eſſe cenſuit, &, ut hoc titulo a Proceribus regni agnoſcereris, atque coronareris, prudentia ſua pietateque pervicit. Perſpecta erant acutiſſimi ingenii exactiſſimique judicii Principi gentis Hungariæ ingenia mobilia, calida, vehementia: noverat eam levi momento cum propriis vitiis, tum fraudibus ac dolis exterorum concitatam, in ſuam ipſius perniciem inconſulta ruere temeritate: quæ dein tam ſecundis quam adverſis rebus verteret in furorem. Ut Pater patriæ, ut bonus Paſtor, ut optimus Rex, ac tanti corporis Caput, excitandas ingenitas eorum virtutes, erigendam animi magnitudinem, fortitudinem inflammandam eſſe: vitia vero, quum extirpari omni-

no nequeant, salubri arte enervanda, & ut tandem vel emorianatur, vel deficiant, subtrahenda iis alimenta iudicabat. Credo ego, quum in sacrarium mentis suæ secederet Pientissimus Imperator, eum, quem in rebus arduis consulere semper solet, adhibuisse advocatum Deum, & hoc auctore salutare illud Hungariæ consilium cepisse. Haftenus illa ita Reges suos elegit, ut hæc ei eligendi libertas sæpe verterit in exitium. Benignissimus Cæsar ipse se amplissimo gravissimorum bellorum fructu spolians Filium, & cum volente Deo per Filium posteros, certos Hungariæ Reges nunc dat in perpetuam, si sua bona norit, felicitatem & salutem. Huc ades, amica HVNGARIA, huc ades. Audi, & agnosce Cæsarei consilii beneficium: aut, si necdum intelligis, age revolve mecum annales Tuos. Explica vitam S. Stephani, qui Te primus ab immani Scytharum feritate ad meliorem vitam, verique, quod summum beneficium fuit, Numinis cognitionem ab idolorum gentilium cultu traduxit. Quem invenis successorem? Quid eligendi libera potestas Tibi attulit commodi? Quem ille sibi destinarat successorem rejecisti, & alio suscepto felicissimum sub illo Rege statum tuum evertisti. Civilia bella, cædes, strages, vastationes, incendia, libertatis illius Tuæ fuere fructus. Sic inter Petrum & Abam variatum regnum est. Sic & Andreas successit. Quid huic illa Tua libertas præstitit, quum filium Salomonem vivo se coronari cupe-

ret? quid, nisi fraterna bella, ipsius cædem, repetitam
filii fugam, & tandem in exilio mortem? Quis ille ite-
rum sub Stephano tertio fratrum furor? Quanta con-
tra ea intestina quies, & felicitas temporum a Bela ter-
tio, continua liberorum fratrumve successione, adusque
Carolus primum? Quanta rursus cladum & mile-
riarum tela, quum tribus uno tempore libera illa tua
electione creatis regibus lacerata, vastataque, Vences-
laus medio tuæ inconstantiae dissensionumque civili-
um, relicto regno in Bojohæmiam reverti, Othonem
Bavarum captum spoliaturumque imperio in exilium
pelli videres? Vix vires pristinas sub Carolo, filioque
ejus Ludovico receperas; repullulat iterum inquietis
hujus libertatis pestilens propago discordia, & ab Italia
Rex petitur, ut in ipsa mox arce Budæ juglaretur: ut
Ludovici tam bene de te meriti vidua obvoluto capite
in flumen præcipitaretur: ut Regina filia vinculis, car-
cere, contumeliis violaretur: ut procerum sanguine
regnum maderet: ut hosti Turcæ via in tua viscera a-
periretur, & futurarum cladum jacerentur fundamen-
ta. Et haud diu post, ab excessu Alberti nova rursus
dissidia, duoque reges Lacislai; & horum alter posthu-
mus, & in ipsis cunis fugitivus. Poteras sub Matthia
Corvino gloriari, florentius te ac validius in Europa
regnum nullum esse. Bojohæmia, Lusatia, Moravia,
Silesia, Austria, Stiria, Carinthia, Transylvania, Bos-
nia, Moldavia, Valachia, Croatia, Dalmatia, impera-

ta faciebant. Vbi jam illæ provinciæ, HVNGARIA,
a Matthia tibi relicta? quis abstulit? quis eripuit?
Illa, illa tua eligendi libertas Regis, quæ tibi post paullo
te ipsam eripuit, id est, Budam caput regni, & firmissi-
ma, quibus te tuebare, propugnacula. Tanti tibi con-
stitere diversa tuorum studia, quum infeliciter amisso
Rege Ludovico inter Joannem Scepusium, Scepusique
filium, & Regem Ferdinandum fluctuares. Fovit hic
infelicis regni reliquias: & a succedentibus posteris
qua potuisti parte servata es. Quid autem pro hac
cura, quid pro hac benignitate, quid pro salute tua, &
anima jam fugiente retenta, retulisti gratiarum? Sed
nec infelicitati tuæ infanda paucorum de tuis scelera
adscribenda sunt; & hæc ego hiantia fœde vulnera si-
lentii malo velo obtegere, atque obligare, cum cle-
mentia ea persanet Optimi Cæsaris LEOPOLDI, &
ipsarum vestigia cicatricum fortuna deleat orientis vi-
visco splendore Regis JOSEPHI. Jam tota tua es,
tuusque Rex omnium illorum regnorum ac provin-
ciarum, atque etiam plurium, quam amisisti, futurus
heres est, futurus & Imperii. Eteo quidem felicior tu
mihi videre, quam gentes ceteræ, quod quum illæ de
futurorum Regum moribus sollicitæ sint, & incertæ,
tu certa possis esse de tuorum clementia, bonitate, ju-
stitia, prudentia, fortitudine, temperantia, &, quæ vir-
tutum omnium summa est, in Deum pietate. Ingeni-
tæ illæ Genti AVSTRIACÆ virtutes sunt, & si ad

usque RVDOLPHI Habsburgici conditoris tempora
recurras, & in omnium AVSTRIACORVM Principum
mores inquires, qui ab hisce virtutibus desciverit,
aut unum invenes, aut neminem. At hoc invenes,
eodem, quo tu, fato jactatam: iisdem, quibus tu, dis-
cordiarum malis atque cladibus vexatam afflictam-
que fuisse GERMANIAM, ubi ab AVGVSTA fami-
lia desciscens alios sibi Imperatores quæsit, libertati-
que eligendi nimium tribuens ipsa sibi malum peperit.
Sic inter Adolphum illam Nassavium, & Albertum
Rudolphi filium; sic inter Alberti filium Fridericum,
& Ludovicum Bavarum distractam per plures annos
omni miseriarum genere noxiæ libertatis pœnas dedis-
se: ubi vero ad AVSTRIACOS rediit, atque his Im-
perium reddidit, compositum magis Germaniæ sta-
tum deprehendes, nec ullis civilibus bellis turbatum;
nisi si civile nominari placet, quum subditi ad officium
revocantur. Vin' ulterius, & ad prima Romani Impe-
rii initia respicere, & ad illum Principem, qui sapientia
prudentialque regendi AVGVSTI nomen primus me-
ruit? gratulaberis & AVGVSTO LEOPOLDO,
non tibi tantum, tuisque, quod arcana quadam ea-
rundem virtutum inspiratione idem consilium ceperit.
Quum enim Octavius in libera republica natus, dela-
tum sibi post bella civilia Imperium Senatui Populoque
Romano reddere, pristinamque libertatem reducere
sæpius cogitaret, agitareque; advertit animum sapien-

tissimus Imperator, rem fortassis facturum se multis gratam, sed omnibus perniciosam. Neque enim jam ferre amplius libertatem Populus Romanus poterat: imo nec salvus esse, nisi unius præsidis nutu, quasi anima & mente regeretur. Ergo, ut ne deinde in idem, e quo vix sub ipso emerferat, civilium dissensionum barathrum revolveretur, quum mascula prole careret, successorem sibi nepotum adoptionibus quæsit, deinceps & privigni. Ita cautus ille & prudens Princeps, quid in illa in eligendo incerta animorum varietate periculi, quid in certo ac hereditario successore concordia ac salutis esset, rectissime æstimavit. Probavit hujusce salubritatem consilii ipse eventus rerum. Exstincta enim in Nerone Julia familia, quid Imperium Romanum nisi præda fuit validioris? Horret animus, ac refugit ea tempora cuncta recensere, quibus divullum discerptumque tandem pessum ivit. Invenies tamen & in his in utramque partem exempla, quibus instruare. Neque enim frustra historiae scribuntur legunturque: sed ut inde exempla petantur ad imitationem; de præteritis facta conjectura, quia futura in incerto sunt. Invenies igitur vivo adhuc Nerone lectum probatumque a Senatu Galbam: *qui major privato visus, dum privatus fuit; & omnium consensu capax imperii, nisi imperasset.* Invenies contra Vespasianum patrem, qui vitam privatam minus laudabilem Princeps in melius transtulit. Invenies successorem Titum filium, quo

nemo melior, (quem delicias suas orbis terrarum appellavit,) & ipsum minus secunda ante Imperium fama. Invenies adscitum ab optimo & oculatissimo Imperatore Trajano Hadrianum, hominem tam vario ingenio, ut virtutes an vicia in eo præpolluerint, incertum sit. Et ex his, HVNGARIA, atque innumeris aliis discere poteris, nec illius qui legitur, nec illius qui hereditario jure succedit, ita cognitam esse posse ac perspectam indolem, ut non mutetur honoribus: certissimam autem quietem ab hereditario certoque successore; contra, ab electione indubias discordias contentionesque civiles, & hinc interneciva bella in republicas & imperia derivari. Quid opus est per sacram & antiquissimam Populi Judaici sub Judicibus & Regibus ire historiam? quid Assyriorum, Medorum, Graecorum annales evolvere, ut hodierna tua felicitas probetur? Age, intueri tantum, si vicinos Polonos refugis, hostem tuum: & incultum illum ~~ferum~~que, atque ab omni eruditionis elegantia alienissimum barbarum, solo naturæ ductu & humanæ rationis informatione, multo te fuisse sapientiore agnoscere cogeris. Nonne illi unica successoris Imperii cura? nonne in sævo illo & solemni fratricidio mora interponitur, donec heres sit natus familiæ Ottomannicæ propagator? Quod vero regnum nunc tempore diuturnius, quod hactenus provinciarum numero amplius, quod incrementis assiduè auctius, quod civilibus bellis minus contami-

natum, atque collabefactum? Evertit illa familia tot regna, tot imperia: quibus artibus, nisi successoris certitudine & obedientia subditorum? Vtere & tu, HVNGARIA, his artibus; & invalesces, vigebis, florebis. Habes eccam fortunæ melioris prædem, fortunam novi Regis tui JOSEPHI; nec fortunam modo tanti Principis, sed & pulcherrimam indolem. Elucet in tanta ætatis teneritudine admirabilis pietas, a Pientissimo Patre ingenua, & e Sanctissimæ Matris uberibus hausta; elucet singularis clementia atque benignitas, & quædam quasi blandiens dulcedo morum, quæ omnes ad se allicit sibi que conciliat. Elucet in hac tanta morum suavitate digna Imperio majestas: scintillat igneus ex oculis ingenii vigor: exserit in omni se actione eximia animi magnitudo: apparet in cognoscendis combibendisque scientiis eximium acumen, & in perceptis retinendis præclara ac tenacissima memoria: agnoscitur in omni sermone præstantis judicii pondus; & ad hæc animi bona accedit & illud ornamentum corporis, venustas dignitasque formæ Imperatoriæ. Latrare igitur, HVNGARIA: latrare & exsulta, sacrum hoc cæni nacta depositum. Age Deo ter optimo maximo, age LEOPOLDO Imperatori gratias gratissimas: præsentisque & futuræ felicitatis utrique debitor, dic & Augustissimo Patri FELICITER, & Augusto Filio, quem non solus Pater, sed ipse quoque futurorum providus Deus REGEM tibi HEREDITARIUM dedit, atque commendavit.



Ad
Serenissimum & Potentissimum
ARCHIDUCEM
JOSEPHVM,
nunc
REGEM HEREDITARIVM
HVNGARIÆ
coronatum.

* * *

Viderat Austriacas late latarier oras
TOLLIVS, ob fasces, Celse JOSEPHE, novos;
Quos Tibi Rex Regum tenero, quos arbiter Orbis
Romulei summus destinat ipse PATER.
Viderat & VENETOS Tibi lato assurgere plausu,
MAGNIQVE in primis tecta superba DVCLIS;
Pluresque Hungarico palmas promittere regno,
Quod spoliū Besissæ Amoniisqve fuit.
Viderat, atque bilares quia sensit & ipse calores
Pectore, dum veteres lustrat ubique libros,
Abditaque extenebrat magne miracula Matris,
Et rari quicquid doctior orbis habet,
TOLLIVS, Aonia dudum fax splendida gentis,
Et Batava patria gloria magna sua;

Nunc Tibi Pannonicos fasces, pulcherrime Regum,
 Floscule, & Augusti luxque decusque PATRIS,
 Gratatur tam suavifono, tamque ore rotundo,
 Tullius ut nostri temporis esse queat;
 Dumque id agit, fata Hungaria non fausta revolvit,
 Libera cum sceptrum Regibus ipsa daret;
 Illique, Austriacis postquam est adstricta lupatis,
 Falciferi spondet fulva metalla senis.
 Et merito spondet non levi pectoris augur,
 Dum pensat regni secla priora tui.
 Nam quid non vitii secum illa licentia traxit?
 Quid non turbaram factio crebra dedit?
 Faustior est longe molli gens vinc̃ta capistro,
 Libera quam quæ undæ mobilis instar habet.
 Sed melius TOLLI id loquitur Tulli amula Peitho,
 Dum Tibi, Flos Regum, sceptrâ beata vocet.
 Quidnam ego, Casareos non postremissimus inter
 Vates, & lauru tempora cinctus, agam?
 Fervidus ebullit Germano in pectore sanguis,
 Spiritus & prisco concitus igne furit:
 Dum lego jam Batavi Sarbivica carmina FRANCI,
 De Buda, & Matibios excutiente lupos:
 Jam Batavi TOLLI stillantia nectare verba,
 Quæ sacra sunt sceptris, Magne JOSEPHÉ, tuis.
 Teutonicum & numquid non fas cecinisse Monarcham
 Vates, Teutoniæ quos media ora tulit?
 Ergo ego, dum veterem spirant præcordia Phœbum,
 Eternum AVGVSTO carmen & ipse paro.

*Et licet Ausonios non aequem cantibus Andes,
Facta tamen PATRIS maxima Teuto canam.
Quin versu Heroo condam LEOPOLDIDA, & illam
Deponam in fano, Mnemosyne alma, tuo.
Sed LEOPOLDI opus est mihi dextro Numine, ut
altum,*

*Quod meditor fidus Teuto, animetur epos.
Ergo Tuum AVGVSTVM mibifac, AVGVSTE, be-
nignum,*

*Vt tanto uberius Phocidis unda fluat:
Meque Tuis pariter clemens adscribe Poetis,
Cui Vatis dudum munia SAXO dedit.
Pannonicam interea Tibi grator & ipse Coronam,
REX NOVE, post TOLLI sesama sparsa mei;
Faustumque ac longum regimen Tibi rite precatus,
Vates baud vanus fata futura cano:*

CÆSAR ERIS (vero, non falso illo omine Galli)
** AVGVSTVS jamdum es, post ea CÆSAR ERIS.*

Premisso

Clarissimi amicissimique,

JACOBI TOLLII,

*Florentinæ Bibliothecæ codices jam perlustrantis,
Sermoni gratulatorio, Lipsiæ recuso,
Elegidion hoc, devotione ac gaudio plenus,
non addere non poterat*

*L. JOACHIMVS FELLERS, Cygnæus,
P. L. Cæs. & Poëscos P. P. in Academia Lipsiensi,
hujusque Bibliothecarius.*

* Græmondi in dedicatione *Historia sua Gallica.*

** Josephab Hebræica radice יוסף addidit, auxit.

